



**Ofisina Sentral di Statistik**

Informashon : (+599 9) 8392300

Adrès: WTC Building, Piscaderabay s/n

E-mail: [info@cbs.cw](mailto:info@cbs.cw)

Website: [www.cbs.cw](http://www.cbs.cw)

Facebook: [cbscur](https://www.facebook.com/cbscur)

# Komunikado pa Prensa

Willemstad, 28 di desèmber 2022

## **Desaroyo di preisnan pa konsumidó na Kòrsou pa luna di òktober 2022**

**Willemstad - For di sifra ku Ofisina Sentral di Statistik (CBS) a publiká awe ta indiká ku e nivel di preis promedio a baha ku 0,1 porshento na luna di òktober 2022 kompará ku luna di sèptèmber 2022. E sifra di inflashon a subi te na 6,7 porshento na luna di òktober 2022.**

*Desaroyo di preis luna di òktober 2022 kompará ku luna di sèptèmber 2022*

E sifra índise di preis pa konsumidó (CPI, “Consumer Price Index”) di Kòrsou a baha ku 0,1 porshento na luna di òktober 2022 kompará ku luna di sèptèmber 2022, esta di 116,6 na sèptèmber 2022 pa 116,5 na òktober 2022.

Den òktober 2022 mayoria categoria di konsumo a subi ku eksepsyon di bibienda (-1,1%). E kambionan di preis spesífiko ku mas a sobresalí durante luna di òktober 2022 ta; subida di preis di kuminda (0,6%), paña i sapatu (0,8%), elektrisidat (1,1%), awa (0,2%), i mas barata a bira gasolin

(-11,4%), kerosin (17,6%), i diesel (-3,3%).

*Desaroyo di preis luna di òktober 2022 kompará ku luna di òktober 2021*

CPI di oktober 2022 (116,5) ta 8,8 porshento mas haltu ku e CPI di òktober 2021 (107,0). E sifranan aki ta indiká ku e nivel di preis pa konsumidó durante luna di òktober 2022 ta 8,8% mas haltu kompará ku e mes un luna na aña 2021. E kategorianan ku a kontribuí mas tantu na e subida aki ta kuminda (15,1%), muebel i aparatonan doméstiko (12,8%) i transporte i komunikashon (10,4%)

*Desaroyo di preis riba término largu: inflashon òktober 2022*

Inflashon ta reflehá pèrdida di balor di sèn, pues forsa di kompra, dor di subida di preis di produkto i servisio pa e konsumidó riba término largu (usualmente 12 luna). E sifra di inflashon pues ta duna un indikashon di e subida promedio di kosto di bida, i p'esei ta ser rekomendá komo instrumento pa indeksashon di salario, penshun, ònderstant/ benefisio sosial, suèldu mínimo i otro entrada.

Inflashon den un sierto luna ta ser kalkulá dor di komparashon di e CPI promedio di 12 luna den e luna konserní ku e CPI promedio di 12 luna den mes luna e aña anterior. Si kompará e periodo di e último 12 luna te ku òktober 2022 ku mes periodo un aña anterior, ta resultá ku preisnan na averahe a subi ku 6,7 porshento: e CPI promedio di 12 luna a desaroyá di 105,2 na òktober 2021 pa 112,3 na òktober 2022.

Pa mas informashon por konsultá e wèpsait di CBS, [www.cbs.cw](http://www.cbs.cw)

////////////////////////////////////